



Aqqaluaq B. Egede
Inatsisartunut ilaasortaq

Nanoq Beer pillugu § 37 naapertorlugu apeqquteqaammumt nr. 132-imut akissuteqaat

10-06-2016
Sags nr. 2016 - 8703

Siusinnerusukkut Narsami immiorfiusimasumut Nanoq Beer Aps-imut atatillugu pissutsit assigiinngitsut pillugit Inatsisartut suleriaasianni § 37 imm. 1 naapertorlugu Naalakkersuisunut apeqquteqarputit. Apeqqutit uanga suliassaqarfinni akineqartussatut innersuunneqarput.

Postboks 1601
3900 Nuuk
Tlf. (+299) 34 50 00
Fax (+299) 32 56 00
E-mail: isiin@nanoq.gl
www.nanoq.gl

Apeqqut:

- 1. Narsami immiorfiusimasoq Nanoq Beer pillugu suliaq sumut killinnersoq naalakkersuisut nassuiaateqarsinnaappat?**

Akissut:

Naalakkersuisut naatsorsuutigaat apeqquteqaateqarnermi Namminersorlutik Oqartussat taarsigassarsianut Nanoq Beer Aps.-ip aningaaserivimmi taarsigassarsiarisaannut qularnaveeqquusiissuteqarsimanerannut tunngasoq innersuussutigineqartoq.

ilisimaneqartutut Nanoq Beer Aps. 2013-imi ukiaanerani akiliisinnaajunnaartutut suliarineqarpoq. Tassunga atatillugu Nanoq Beer Aps-imut taarsigassarsiaritanut Namminersorlutik Oqartussat qularnaveeqquusiisutaata akilerneqarnissaanik, Namminersorlutik Oqartussat aningaaserivimmit qinnuigineqarput.

Qularnaveeqquusiissuteqarneq takornariartitsisarnermik inuussutissarsiteqarnerup aamma nunami inuussutissarsiutit siuarsarneqarnissaat pillugit Inatsisartut inatsisaat nr. 14, 12. november 2001-imeersoq, kapitali 2-imi ilaatigut suliffeqarfimmik pilersitsinissamut aamma tunisassianik ineriartortitsinissamut aningaaserivimmi taarsigassarsianut qularnaveeqquusiinissamut inatsisitigut tunngavissiisoq, naapertorlugu pivoq. Inatsit 2012-imi atorunnaarsinneqarpoq aammalu nunami inuussutissarsiutinut tunngatillugu inuussutissarsiornermik siuarsaaneq pillugu Inatsisartut inatsisaat nr. 20, 3. december 2012-meersumit taarserneqarpoq, tassani Namminersorlutik Oqartussat qularnaveeqquusiinissamut periarfissaqarunnaarlutik.

Namminersorlutik Oqartussat 2013-imi novembarimi akiliisinnaajunnaarnermi pigisanut piumasaqaatini nalunaarutigai.

Taamaattumik Namminersorlutik Oqartussanut tunngatillugu qularnaveeqqusiissuteqarneq taaneqartoq pillugu suliaq naammassereerpoq.

2. Immiorfiusimasoq inatsisit pisussaaffiusut tunngaviusariaqartut unioqqutissimanerai, aammalu unioqqutitsisoqarsimappat soorlu assersuutigalugu,- akitsuutit akileraarutit assigisaalluunniit qanoq unioqqutinneqarsimappat?

Akissut:

§ 37 naapertorlugu apeqquteqaammut nr. 212/2013-imut Wales-imi immiaaraliornissamut imermut royalty-mik akiliisarneq pillugu hr. Andreas Uldum-imit apeqqutigineqartumut atatillugu Naalackersuisut akissuteqarput: "Nanoq Beer royaltymik akiliuteqartarsimanngitsoq Akileraartarnermut Aqutsisoqarfik ilisimatitsivoq" aamma "[r]oyalty 24.000 kr.-inik annertussuseqarsimavoq"

Akissuteqaammi tassani Naalackersuisut allapput: "Akuersissutigisaasunut imermik 48.000 literit sinnerlugit annertunerusumik avammut tunisisoqarsimassanngippat nilammik imermillu atuinissamut inatsisartut inatsisaat naapertorlugu aalajangersakkanik unioqqutitsisoqarsimanngitsoq Naalackersuisut nalilerpaat."

Akileraartarnermut Aqutsisoqarfiup § 37 naapertorlugu apeqquteqaammut matumunnga atatillugu makkua oqaatigai:

"Akileraartarnermut Aqutsisoqarfiup piumaffigineqarnermini paasissutissiissutigisinnaava 24.000 koruuninik royalty-mut akiliisimannginnermut piumasaqaatit saniatigut aamma akileraarutitut akitsuutinullu akiliuteqarsimannginnermut 179.408 koruuninik allanik akiliuteqarnissaq pillugu piumasaqaat nalunaarutigineqarsimasoq.

Akileraartarnermut Aqutsisoqarfik 2014-imi novembarip qiteqqunnerani immiaaraliornermut akitsuutinik akiliisimannginnermut tunngatillugu akiliisinnaajunnaarnermi pigisanut eqqartuussissuserisup nalunaarutiginnereernerata kingorna, Politiinit attaveqarfigineqarpoq.

Akileraartarnermut Aqutsisoqarfik akiliisinnaajunnaarnermi pigisanit najoqqutassat tiguneqartut misissornissaannut periarfissinneqarpoq, tassani ingerlatseqatigiiffimmit akiligassiissutaasarsimasut tunngavigalugit paasineqarluni, minnerpaamik 120.000 koruuninut akitsuutinik akiliinngitsoortoqarsimasoq, tamannalu tamatuma kingorna politiinut paasissutissiissutigineqarpoq. Aningaasat pigisanut nalunaarutigineqanngillat,

pissutigalugu nalunaarutiginnissamut piffissamut killiliusaaq qaangiutereersimammat.

Politiit kingusinnerusukkut suliap malersoqqinnissaa unitsippaat. Tamatumunnga pissutaasoq eqqoqqissaartoq Akileraartarnermut Aqutsisoqarfiup ilisimaqqissaanngilaa, kisianni ilimagalugu tamanna, ilaatigut aningaasartut annertussusaannik ilaatigullu akiliisinnaajunnaarnermi pigisani pigisat nalillit annikitsuinnaanerannik/soqannginneranik, pissuteqartoq.

Suliami tassani akisussaatisinissamut tunngavissaqarsinnaanersoq Akileraartarnermut Aqutsisoqarfiup isumaliutersuutigisimavaa, kisianni paasissutissat pigineqartut, suliassaqarfimmi suleriaatsit aammalu isumalluutininik atuinissaaq, suliamut taamaattumut atatillugu naatsorsuutigineqarsinnaasoq eqqarsaatigalugit, apeqqutip taassuma ingerlateqqinnginnissaa aalajangiussimallugu.”

3. Unioqqutitsisoqarsimappat qanoq kinguneqartitsisoqassanerpa, soorlu politiinut eqqartuussinikkulluunniit kinguneqartitsinissamik piumasaqarluni tunniussinikkut?

Akissut:

Matuma siuliani apeqqummut nr. 2-imut akissuteqaat innersuussutigineqarpoq.

4. Naalackersuisup sorliup suliassaaq akisussaaffigaa?

Akissut:

Matuma siuliani apeqqutinut nr. 1-imut aamma 2-imut akissuteqaatit innersuussutigineqarpoq.

5. Ilumoorpa Nanoq Beer pillugu suliaq uninngatinneqarsimasooq?

Akissut:

Naamik. Suliaq naamassereerpoq.

6. Inuiaqatigiit aningaasaleeqataanerat imaluunniit “akileeqataanerat” matumani pineqarmat, ukiullu arlallit suliaq ingerlareersoq sooq ullumikkut suli suliap naamassineqarsimannginneranut patsisaasut ersarissumik Naalackersuisuniit nassuiarneqarsinnaappat?

Akissut:

Matuma siuliani apeqqutinut 1-imut, 2-imut aamma 5-imut akissuteqaatit innersuussutigineqarput.

7. Inuiaqatigiit piginneqataassuteqarsimaneranni, soorlu Greenland Venture aqqutigalugu, qanoq annaasat annertutigippat?

Akissut:

Greenland Venture paasissutissiivoq ingerlatseqatigiiffik, Nanoq Beer Aps.-imi på 43,46 %-imik piginneqataassuteqarsimasoq. Greenland Ventures-ip ingerlatseqatigiiffimmi aningaasaatinut akiliutai 687.871 koruuniupput, tamatuma saniatigut Greenland Venture ingerlatseqatigiiffimmut 611.105 koruuninik taarsigassarsititsisimalluni.

8. Akileraarutitigut imaluunniit akitsuutitigut allatigulluunniit inuiaqatigiit aningaasanik annaasaqaatigisaat qanoq annertutigippat?

Akissut:

Matuma siuliani apeqqutinut 1-imut, 2-imut aamma 7-imut akissuteqaatit innersuussutigineqarput.

9. Nanoq Beer pillugu suliaq unittooqqunagu aammalu naammassineqarnissaa siunertaralugu naalackersuisut nukingisaarisimappat?

Akissut:

Matuma siuliani apeqqutinut 1-imut, 2-imut aamma 5-imut akissuteqaatit innersuussutigineqarput.

Inussiarnersumik inuulluaqqusillunga

Vittus Qujaukitsoq